

Se voyant baptisé, il ne songe plus qu'à la mort : il quitte les festins & les autres diuertifsemens les plus licites, craignant de s'y voir engagé en quelque faute de fursifre : ses penfées ne font que de Dieu, tâchant d'apprendre les prieres, & se faifant instruire avec vne simplicité d'enfant, quoy que ce fut vn homme d'excellent iugement & de confideration parmy les fiens. Sa memoire luy eftant infidele, en vn âge plus propre à oublier, qu'à apprendre ; fa bonne volonté luy fournit vn moyen qui luy feruit de liure & d'efcriture. Il eult recours à ceux de fa cabane, quoy qu'infideles : Tu me feras refouuenir de ces trois mots, difoit-il à fa femme ; & toy, s'adreffant à fa fille, n'oublie pas ces trois autres ; & ainfi alloit partageant à diuerfes perfonnes ce qu'il vouloit apprendre ; se le faifant repeter tres-fouuent, & retenant pour foy ces deux mots, IESVS taitenr, Iefus ayez pitié de moy ; qui estoit fon aimable priere, & qu'il repetoit mille fois la iournée.

Alors tout le Bourg eftant dans le plus [98] fort des ceremonies diaboliques, & d'une folemnité fuperftitieuſe, que les infideles nomment Onnonhouaroïa, c'eſt à dire, folie publique & renuerfement de teſte : il arriua vne puiffante émeute contre les Chreſtiens, & defia on auoit leué la hache fur celui de nos Peres qui a ſoin de cette Miſſion, ſi vn Chreſtien ne ſe fuſt ietté entre-deux, pour parer ou receuoir le coup : & en effet quelques-vns furent rudement frappez, & la hache des infideles donna quaſi à cette Eglife vn martyr ; mais elle ne fit ſon coup qu'à demy, n'ayant tiré que le fang, & non pas la vie toute entiere, d'un bon Chreſtien, nommé Laurent Tandoutfont.